

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia - Company No. 524989-M)

Berita Harian - 6 April, 2015 (A)

Kod Pelabur Institusi kukuh peranan pasaran

» Bantu bangun
landskap tadbir
urus korporat
negara



RITA BENOY
BUSHON

Kod Pelabur Institusi di Malaysia yang dilancarkan pada Jun tahun lalu mengukuhkan lagi peranan pasaran dalam aspek urus tadbir korporat.

Ini sememangnya digariskan di dalam Pelan Tindakan Tadbir

Urus Korporat 2011, seterusnya membantu membangunkan lagi landskap tadbir urus korporat negara.

Gabungan usaha antara pemegang saham minoriti boleh menjadi pengaruh yang kuat bagi perubahan positif.

Mulakan dialog

Pemegang saham perlu menggunakan peluang untuk memulakan dialog dengan syarikat mengenai perkara asas berkaitan tadbir urus serta menyoal dan mengawasi mengenai strategi operasi serta kewangan syarikat.

Namun, ini perlu dilakukan secara berhati-hati. Kami tidak mahu melihat pelabur institusi terbabit secara langsung dalam operasi dan strategi perniagaan syarikat, mahupun memberitahu bagaimana untuk menjalankan perniagaan mereka.

Kepakaran pelabur institusi adalah dalam pengurusan portfolio dan peranan pengawasan sebagai penyelia.

Oleh itu, adalah penting teru-

tama bagi pelabur institusi sebagai pemegang amanah wang pencarum supaya telus mengenai bagaimana mereka mengendalikan urusan mereka.

Satu set prinsip amalan terbaik yang sejagat sudah dikodkan untuk pelabur institusi supaya orang awam memahami bagaimana wang mereka dilindungi.

Selain itu, syarikat pula tidak perlu meneka apa yang berada dalam fikiran pelabur institusi mereka.

Ini boleh dilakukan dengan memberitahu secara telus bagaimana mereka mengamalkan amalan itu di laman web seperti hal menguruskan konflik yang mungkin timbul atau apakah polisi pengundian mereka serta polisi dividen sekiranya wujud.

Walaupun pemakaian kod ini secara sukarela, pelabur institusi digalakkan menjadi signatori sebagai tanda komitmen dan pembabitan mereka dalam prinsip itu.

Selepas sembilan bulan dilancarkan, hanya terdapat enam signatori bagi kod itu. Kami ingin

melihat pemilik asset di Malaysia menjadi signatori kod itu kerana kod telus ini sesuatu yang diinginkan oleh masyarakat serta pemilik wang amanah ini.

Tugas untuk memastikan pernara-pakai yang meluas dalam kalangan pelabur institusi adalah tanggungjawab pelabur institusi itu sendiri.

Ini bukan satu cabaran yang terlalu sukar untuk diatasi, mengambil kira manfaat besar yang bakal diperoleh, seperti penghasilan nilai jangka panjang yang mampan kepada pelanggan dan pemegang berkepentingan.

Dalam beberapa kes baru-baru ini, kami melihat perkembangan yang menggalakkan di mana pemegang saham minoriti memilih untuk memainkan peranan yang lebih aktif dalam pelaburan mereka dalam isu tawaran pengambilalihan serta dalam isu menyuarakan keimbangan dan memulakan tindakan penysiasatan.

Jaga tatacara kelakuan

Campur tangan pemegang saham minoriti dan perhatian media berikutnya itu telah mewujudkan bagaimana syarikat patut menjaga tatacara kelakuan mereka.

Kami berharap pemegang saham minoriti, baik institusi maupun runcit akan memainkan peranan mereka sebagai penyelia untuk memperoleh justifikasi bagi resolusi yang akan dibentangkan di mesyuarat agung tahunan (AGM), termasuk ganjaran pengarah yang akan dibincangkan.

Komitmen masa bagi pengarah juga adalah isu penting di mana pemegang saham patut memo-hon penjelasan daripada lembaga pengarah, terutama jika pengarah itu juga memegang jawatan eksekutif di dalam syarikat tersenarai awam yang lain.

Kami berharap sebagai penyelia, pemegang saham akan mengajukan soalan mengenai kepelbagaian lembaga pengarah, termasuklah kepelbagaian jantina, yang menjadi isu tadbir urus yang penting.

Ketelusan yang lebih tinggi dan pembabitan pemegang saham yang aktif akan membawa kepada perilaku syarikat yang lebih bertanggungjawab dan boleh mewujudkan nilai yang lebih tinggi.

Melalui kerjasama pelbagai pemegang kepentingan dalam pasaran, pemegang saham minoriti akan dapat mempromosikan amalan perniagaan yang baik seterusnya akan menggalakkan pelaburan secara bertanggungjawab, di mana ini boleh menyumbang kepada pasaran yang berfungsi dengan baik secara sah-satu situasi yang menguntungkan semua pihak yang terbabit.



Penulis
ialah Ketua Eksekutif Badan Pengawas Pemegang Saham Minoriti (MSWG)